



皇極經世一

堯典

四一八
1172
2止





書反正卷一

唐書

日本國學振興會藏書 曰本國學振興會藏書 曰本國學振興會藏書

日本 平安伊藤長堅



唐者堯之姓氏也後世遂以為其代之號云書紀也緯曰如也寫其言如其意也夫開卷則云曰若稽古帝堯一篇全為堯之事而無唐字蓋後世失之歟夫大舜無為而治養已南面而已矣此無他矣繼堯故也此所以不為附紀其微庸受禪與否十載陟也天然則豈謂之唐書乎義斯極以虞之所作故雖事係堯謂之虞書此臆說爾此

門 〇七
號 1172
卷 2



書反正卷一

日本 平安伊藤長堅



唐書

王應麟困學紀聞云曰大傳說堯典謂之唐傳則伏生不足為唐書

唐者堯之姓氏也後世遂以為其代之號云書紀也緯曰如也寫其言如其意也夫開卷則云曰若稽古帝堯一篇全為堯之事而無唐字蓋後世失之歟夫大舜無為而治恭己南面而已矣此無他矣繼堯故也此所以不過附紀其徵庸受禪與五十載陟也夫然則宜謂之唐書于義斯協以虞史所作故雖事係堯謂之虞書此臆說爾孔氏序者

書反正卷一

曰少昊顓頊高辛唐虞之書謂之五典蓋雖本於左氏之妄然其曰唐虞書者足為可徵焉見有堯典在且禹貢固非有虞時之事故今審然定以為唐書閱子雲羽獵賦云修唐典匡雅頌亦可證焉馬鄭王別錄皆曰虞夏書法言虞夏書渾渾堅所未審也

堯典第一

堯名也古者不以名為諱故直載其名亦不避也釋詁曰典常也此篇所紀堯之治天下典常故輯錄此書者題署識別以此名而非作者自名焉曾

五帝傳文公篇放勳曰堯之萬章帝引堯也

鞏曰記典者聖人之徒也此言為當矣蓋夏若殷傳聞之世所作見紀舜陟當知之也其曰稽古此明證也去今以上曰古其說可謂窮矣○古文書以慎微五典以下為舜典今除其首二十八字合為一篇以去偽濫復伏生之舊云

曰若稽古帝堯

釋詁曰曰爰也帝君也釋言曰若順也釋詁順叙也陳也傳曰稽考也爰次叙稽考夫昔君堯經紀天下之典則以為此篇云蓋此一句篇題而至乃命義和總稱堯之盛德猶後之序引也

曰放勳欽明文思安安允恭克讓

放效也效功也釋詁勳功也至哉堯之為君巍
乎其有成功故稱放勳猶後之謚所以孟子宋王
同稱也釋詁曰欽恭敬也安定也允信也釋言克
能也文所謂煥乎其有文章是也思與思曰贊二
襄思曰孜孜之思同朱子孟子註讓推以與人也
此放勳之治天下敬以昭明文教常思有以安定
夫四方當安者蓋脩己信恭敬以安百姓也其耄
期倦勤能讓舜以天位為天下得人

光被四表格于上下

釋詁曰光顯也于於也格至也被及也覆也表外
也帝德如上故其顯光覃于四方之外也格于上
下與記曰極乎天而蟠乎地同極言其德化致廣
大也

克明俊德以親九族

俊駿通釋詁大也傳曰能明大德之士任用之族
宗族白虎通湊也親睦宗族也○羅氏曰族無九
九族者何大之也數究于九長于百盈于萬非有
實義何以謂族無九也曰族一而已親者則以從
別之其餘雖百世猶謂之族謂他人族我則未知

後世三族爾雅所謂黨也揚雄大玄推玄孫至高祖為九屬與釋親不合故俱不取

九族既睦平章百姓

傳曰既已也百姓百官說文睦順也釋詁平成也章明也成事成文曰章親二則恩義篤倫理正而既和睦而後以平成文明夫百官當奉承之事功也

百姓昭明協和萬邦黎民於蕃時雍

蕃舊本作變今從漢書正之釋詁昭光也協和也黎衆也於爰也蕃息也滋也釋言時是也雍雖同

國也謂諸侯我先王之有天下也相方千里以為國服以侯上而山川百物之記以備百姓北民之用以待不虞之患幸昭註百姓不虞之患幸昭註百姓之微言百王公之子弟之質能言能聽徹其官者而物賜之姓以監其官是為百姓

釋訓和也百官光明其事業亦各協和合同其心力而敢為之故萬國諸侯爰和輯衆民自滋息也所謂等教化是也曰放勳以下述盛德教化之効此以下記其事功也○漢書成帝紀詔曰昔在帝堯立義和之官命以四時之事令不失其序書云黎民於蕃時雍師古云今尚書作變此紀作蕃並通今日子曰天下有道丘不與易魏徵云二帝三王不易民而化放勳何變易其民之有邪此所以當從蕃也

乃命羲和欽若昊天曆象日月星辰敬授人時

管子五行篇者黃帝
得術而明於天道得
大常而理於地理得
而辨於東方得祀於
死南方得大封而祀
西方得后土而祀於
黃帝得六相而天地
明至

乃廼也義和二氏也掌治曆呂刑乃命重黎絕地
天通固有降格蓋述此以下之事也重黎蓋二氏
之名為伯見下文命仲叔當自知之也釋天夏
為昊天毛氏詩傳云元氣廣大也曆者紀時之書
象者觀時之器星五緯列宿之總名釋訓辰時也
日照晝月照夜星運行于天民得取其時節也魯
語天之三辰是也授子也乃命羲和二伯氏使敬
順叙昊天曆紀時令象法天之三辰推步之法无
登耗上下以敬慎之付與人民耕種之時節蓋欽
若所重在授時君臣動色是民義也羅氏曰伏生

書傳曰主春者張昏中可以種穀主夏者火昏中
可以種黍稷主秋者虛昏中可以種麥主冬者昴
昏中可以收斂天子南面觀四星之中知民之緩
急則國家富庶兆民永賴矣又曰古時真曆遭戰
國及秦而亡漢存六曆雖詳于五紀之論皆秦漢
之際假託為之然則後世無真曆矣敢問真曆何
如曰請觀先秦古書如幽風月令孟子荀卿辰角
天根之論計然火旱木饑金穰之占行于下者絕
類農書行于上者絕類政紀即允釐之式也合而
成曆上告天子下賦臣人時其早晚而次第布之

其可已如今曆直陰陽差穀之書于授時何居今
曰夫聖人所重在民食之二國賴民立民天在食
故農殖百穀生民之本與不違農時則穀不可勝
食使民養生喪死無憾王道之始也而後教化可
施禮樂可興此帝之所以敬授而左右邦治之重
事矣蓋帝堯創基至夏后氏為精密歟故夫子答
顏子問為邦首曰行夏時是也非徒測候日星躔
度以曆象之耳故下文詳之結以庶績咸熙也

分命羲仲宅嵎夷曰暘谷

分析也分職命羲氏仲子使之專司候春之日夜

國語謂古有大史順時
視上陽輝陰氣正氣
農事之自晨也晨正
農事之自晨也晨正
農事之自晨也晨正

長短與氣候宅定也助王宅天命是也嵎隅同夷
平也日初出與山角平曰嵎夷曰釋詁爰也暘明
也詩谷風疏云谷之言穀穀生也以定夫初日與
山角平而未離於此明生也

寅賓出日平秩東作日中

寅釋詁敬也賓迎也平均也秩次也序也作興也
始也中者永與短之中下文曰日永宵中亦在干
夜短上當互相證明言測候之敬迎出日以均齊
秩序夫初出自東方之稍南稍北與其中也○日
字在中間者明東作亦為日也

星鳥以殷仲春

星猶詩星夙出駕之星註曰見星也鳥南方朱鳥
 之七宿殷與惟殷于民之殷同盛也盛富廢也周
 禮殷見曰同鄭氏註猶象也仲伯仲之仲與中通
 故仲春亦曰中春仲子亦曰中子春分初昏見星
 則朱鳥七宿以殷盛畢見實是為仲春之候也轉
 以推季孟則可知舉星者所以驗夜也○春秋曰
 殷夏冬曰正駁文義同
 厥民析鳥獸孳尾
 厥釋言曰其也析分散也冬寒則其民竝入室處

氣溫故其民各分散不一其居也孳生息也淮南
 子曰禽獸小者為尾此以人民分析鳥獸生息稍
 長驗氣候也

申命羲叔宅南交

釋詁申重也重複明約束也易云重巽以申命是
 也南火方漢律曆志大陽者南方陽氣任養物于
 時為夏交合也交加參錯也申命羲氏之叔使以
 定南方陽氣交加合聚也○南交之下恐有關文
 平秩南訛敬致日永
 字書訛與化通動也陽氣動作萬物也致與周禮

馮相氏冬夏致日秋冬致月之致同國策註致言
極力也永長也傳云日永謂夏至之日均序陽氣
振作又以敬極力於日長至以知之也

星火以正仲夏

傳曰火蒼龍之中星舉中則七星見可知東觀漢
紀註正齊也見星則火初昏齊見為中夏之候也
厥民因鳥獸希革

因仍也精蘊云仍其舊而大之也革更易也其民
仍其分析之故大之鳥獸毛羽希少遂更易也

分命和仲宅西爨曰昧谷

舊本無爨字今据史記補入之字書爨薰同增韻氣蒸也又借
黃昏時也別作曛釋言昧冥也分職命和氏之井主定曰沒於
西方餘光蒸以黃爨冥昧漸生也

寅餞納曰平秩西成宵中

傳曰餞送也納入也成畢也釋言宵夜也舍人曰陽氣消也
敬送回之入平成秩序其既沒西方光暉畢盡之處與夜長
短之中也○傳曰春言日秋言夜互相備蓋文承昧谷此所以
曰宵中也

星虛以殷仲秋

虛北方玄武之中星以齊見為秋分之候也

厥民夷鳥獸毛毼

釋言曰夷說也註云詩云我心則夷言其民庶悅暑往寒
未來也傳曰毼理也毛更生整理

申命和叔宅朔方曰幽都平在朔易曰短

白虎通朔之言蘊也明消更生也方始也言陽氣更為始復也
釋詁曰幽微也易弛也註曰相延易字書都總也說文總合也
傳曰日短冬至之日重命和氏之叔使之審定夫陽氣來復為
始初爰聊來未舒暢以平均在察其始來復稍延易與日之短至
星昴以正仲冬
昴白虎之中星初昏齊見此為仲冬之候

淮南子地勢訓西方白不
周之山曰幽都之門

厥民隩鳥獸氄毛

釋宮曰西南隅謂之隩孫炎曰室中隱奧之處傳
曰隩室氄同氄說文引此文作氄毛盛也民入室
處以辟風寒鳥獸毛盛以自溫焉

帝曰咨汝羲暨和朞三百有六旬有六日以閏月定
四時成歲

釋詁曰咨此也暨與也有又通傳曰匝四時曰朞
閏氣盈朔虛積餘附月也一歲十二月月三十日
正三百六十日除小月六為六日是為一歲有餘
十二日未盈三歲是得一月則置閏焉以定四時

之氣節成一歲之曆象王肅曰斗之所歸是爲中
氣日月所在斗指丙辰之間无中氣故以爲閏也
今日蓋置閏定氣節恐始於堯時義和所爲故允
釐咸熙之言爲之發焉爾夫久失閏歲不成名實
戾寒暑易農時失大執二氏之功萬世永賴云○
羅氏曰周天三百六十五度四分度之一是天之
度數也而日行遲一日行一度一歲一周天則一
暮三百六十五日四分日之一舉全數言之故曰
三百六十分也月行疾一日行十三度十九分度
之七至二十九日半強月行天一匝又逐日而與

會一年十二會是爲十二月每月二十九日過半年分出
小月六日是每歲餘六日又大歲三百六十六日小
歲三百六十五日舉全數云六十六日其實一歲
唯餘十一日弱未滿三歲已成一月則置閏若三
年不置閏則正月爲二月九年差三月則以春爲
夏十七年差六月則四時皆反以此四時不正歲
不成矣傳曰歸餘于終事則不悖此之謂也又曰
從古曆家皆云日行一度月行十三度天左行日月右
行至宋人創謂日隨天左行一日一周天不及天
一度月不及十三度審爾則日一日行三百六十

五度強月一日行三百四十七度弱也不經甚矣
說起于橫渠而朱子蓋猶疑所以詩傳只載舊說
不知何遽入書傳也

允釐百工廢績咸熙

釋詁曰允信也釐治也工官也績功也咸皆也熙
興也定四時成歲曆中氣定閏餘正然後信治凡
百官司之事敬授庶民而後衆功皆興也此一句
命羲和之一結案

帝曰疇咨若時登庸

釋詁疇誰也若善也登陞也庸勞也帝言誰此善

一時而陞功庸於上者廣訪之於廷臣也

放齊曰胤子朱啓明帝曰吁囂訟可乎

放齊臣名釋詁胤繼也朱丹朱也傳曰啓開也吁
疑怪之聲音不忠信爲囂說文訟爭也可乎言不
可也○放齊惟見父子相繼與其啓明以言也豈爲
害悅者耶故曰知人惟難帝愛而知其囂訟不可
善時蓋雖親愛之不以一人使病萬民夫以天下
爲官而不爲私家魏平其德萬世無倫

帝曰疇咨若予采

釋詁采事也羅氏曰時事無大治水者共工水官

也殆以治水矣

驩堯曰都共工方鳩倮功

驩堯臣名釋詁曰都於也於即鳴字嘆笑之辭方
旁通旁作穆是也釋詁曰鳩聚也傳曰倮見也
驩堯嘆曰共工治水害旁聚見其功宜久任之也
帝曰吁靜言庸違象恭慢天

釋詁靜慎也密也庸常也象肖似也慢舊本作滔
今據史記正之慢忽也帝知共工不勝任疑怪驩
堯之言曰共工慎密其言似可用然行常背違而
似恭敬忽慢天紀不可任也

帝曰咨四岳

國語云姬姜之胤出於禹四岳而曰一王四伯謂
之四伯則為四人也蓋甸服總四州四岳各司一
州餘四服各容二州司之者通稱牧故云十有二
牧四岳在內主四州牧之進奏宣達也說文云岳
古嶽字象高貌嶽二長角貌

湯湯泝水方割蕩蕩懷山襄陵浩浩滔天下民其咨
有能俾乂

舊本泝作洪今據孟子正之曰泝水者洪水也說
文水不遵道林氏云湯二言其逆行而沸騰之謂

蕩二言其泛濫然無畛域之謂也浩二汗漫浩然
無涯涘之謂也釋詁懷至也釋言襄駕也猶駕馬
之駕傳故云上也釋地大阜曰陵滔水大貌與漫
意同浸也釋詁咨駭也入治也釋言俾職也職主也
時平水逆行汎濫於中國山之高者至止其中央
而未滅其頂卑者裹上汗漫殆如浸天民咨嗟憂
愁病水困苦有能供職以治之者邪

僉曰於鯀哉

釋詁曰僉皆也鯀禹父名四岳皆曰于鯀此命之
哉

帝曰吁咈哉方命圮族

傳曰咈戾也孟子方命虐民趙岐註方猶放也謂
放棄也釋詁曰圮毀也傳曰族類也帝疑怪四岳之
言嘆曰鯀之爲人狼戾自用哉放棄教命毀敗同
類知善不從不當用之也

岳曰異哉試可乃已

鄭玄曰異音異蓋古異字梁有朱异字同叔异哉
猶孟子異哉子州疑也試探也較也可廣韻許也
已音詞釋名已已也如出有所爲畢已復還入也
岳言帝言亦異哉試其才姑許與以治水之任而

當從其臧否乃以進退之也

帝曰往欽哉

釋名往往也說文往光羨也帝聽四岳之言命鯀使治水戒之曰光羨乃所主以欽敬之哉

九載績用弗成

釋天曰載歲也唐虞曰載用以也公羊傳弗者不之深也莊周之書曰堯之時十年九潦蓋十年之間洪水為害凡九度鯀每出防不過堤防塞之故水泛濫則輒決方割及九次功績終以不成就也此一句紀之於此以實帝知人之明也○夫四岳

皆曰於鯀我意非无治水之才則堯不得不任之矣使當時大臣有過鯀者則堯亦不任之乎其方命圯族乃奮其獨智而不能行其所也其以九次出防績終不成始退之者蓋非无小益也衆人見其有益謂鯀寔能治之然湮之則復決被害既九年然後退之可見聖人用人之心矣善乎漢鄭興曰堯知鯀之不可用而用之者屈已之明用人之心也且人人以為泛濫經九年如此則人類盡矣禹八年於外者濬川四載四隩既宅九川滌源其餘彌成五服成賦中邦等通為八年爾

帝曰咨四岳朕在位七十載汝能庸命與朕位

釋詁朕我也庸勞也與馬鞞曰順也能善也帝言

我久在位既經七十歲耄期倦勤汝岳皆能立功

勞今我命其順行帝位之事哉○蓋不應讓四人

必有指一人者今不可知然帝將胥天下徙之則

必有德人也辭天下而不受之舉側陋之人自代

蓋知已知人聖賢之徒帝欲異其位有以乎哉

岳曰否德忝帝位曰明明揚側陋師

傳曰否不也釋言曰忝辱也明二釋訓曰察也揚

舉也側卑也陋隱也釋言師人也下曰爰也岳對

曰已不德敢冒居君位恐或辱之在廷臣僚無可

舉者爰明明以察雖側微隱陋之人苟有德義宜

以聞也

錫帝曰有鰥在下曰虞舜

鰥恐瘵之誤也釋詁曰錫與也瘵病也謂困病在

畎畝之中也老而無妻何應俄言之於帝前邪况

舜生三十非老以下有女于時之語故讀者不致

疑也傳云虞氏舜名岳以舜有聖德故錫

之於帝也○王肅冒地名也馬融以舜為謚皆非也

帝曰愈予聞如何

釋言曰俞然也釋詁曰予賜也古上下同辭字書
凡人臣奏事于朝曰聞唐姚崇傳以十事聞是也
帝然其舉而言錫與以聞其人果如何○舊註予
為我然堯好賢之至嘗聞舜之德曰不審之而待
岳之言始試用之耶故改解

岳曰瞽之子父頑母嚚象傲

傳曰無目曰瞽舜之父有目不能分別好惡故時
人謂之瞽配字曰瞽瞍無目之稱春秋傳曰心不
則德義之經為頑口不道忠信之言為嚚象舜弟
名或弟之字誤歟傲教通慢也倨也頑嚚傲慢言

並惡也

克諧以孝烝烝乂不格姦

釋詁曰諧和也釋訓曰善父母曰孝烝二作也註
云物盛興作貌釋詁又治也史記天官書註格不
和同也記扞格註扞拒也行不合義曰姦舜善事
頑嚚之父母處傲弟諧和竭孝弟故允若底豫皆
烝二然興起善自治不為扞格姦邪也○孟子所
引祗載見瞽瞍十四字恐為此句下脫簡

帝曰我其試哉

說文曰我頃頓也釋詁曰試用也帝曰其德行如

此頓其名用之。此一篇帝自稱曰朕曰予无
曰我者且以試為探視之義則應試較以二女耶
女于時

傳曰女妻也孟子二女妻焉以女妻人謂女釋詁于於也時
是也帝既用舜知其勲德而妻之以其二女子也。夫娶女
必告父母者禮也舜父母頑囂雖帝亦知告則不
得娶故權以濟禮也孟子曰君子以為猶告也君
子蓋指孔子也且妻以二女或疑之春秋諸侯一
娶九女何獨於堯舜疑之邪又云孟子云帝使其
子九男二女以事舜于畎畝之中此惟曰二女而

不及九男者此專為女二女發故爾

觀厥刑于二女。釐降二女于媯汭。嬪于虞。

釋言觀示也字書示音侍告也教也釋詁刑法也
告教其為人婦之法於二女也蓋以帝女下嫁匹
夫且舜家有父頑母囂弟傲之三惡故告戒之也
釐賜也詩云釐汝士女是也釋言降下也媯汭地
在下流所以謂降也媯水名汭通作芮毛氏詩傳
水崖也鄭箋水內曰芮媯汭表舜所居之地虞既
解于上釋親曰嬪婦也雖帝女使之從夫而居所謂
使二女事也。羅氏云此與克從時叙同例一事

一結案于是女舜事竟治裝語鄙且不見刑于光景

帝曰欽哉慎徽五典五典克從

釋詁慎誠也徽美也典常也五典父子君臣夫婦長幼朋友之典叙也從就也順也使舜作司徒布五教於四方其績有熙帝乃曰能敬乃事哉心誠善敷五者勞來匡直輔翼之得宜其自得之能成就順叙天下之人无違倫親其親長其長天下自平矣○孔傳以帝曰欽哉四字自爲一句曰嘆舜能修己行敬以安人以下爲舜典以曰若稽古以

下廿八字爲其起頭馬鄭王本無舜典并帝曰二字蔡氏從孔傳者以帝曰欽哉四字爲戒命二字之辭今從伏生本無舜典除其偽誤二十八字則慎徽呂下之數語突兀無所承故今置于此句首爲帝稱贊舜之功德之辭文理順妥且通下文爲汝陟帝位之起本而詢事考言乃言底可績三載即此是也

納于百揆百揆時叙

納入也補也釋言揆度也百揆商度庶政官署之名釋詁時是也叙緒也補舜於百揆庶政是有緒

不素也

賓于四門四門穆穆

賓猶寅賓出日之賓迎也四門待諸侯官署之名義取從四方之門來入之義歟釋詁穆二笑也迎舜於四門使接遇諸侯朝覲者四門事務自穆二笑盛也

納于大麓烈風雷雨弗迷

毛氏旱麓傳麓山足也四岳之岳象高貌則大麓恐山趾林木茂盛以喻居攝都統庶政大麓由名歟易林被服文德升入大麓是也烈熾盛貌迷亂

也納于大麓孟子所謂薦之於天也烈風雷雨以其時應陰陽無有久迷錯愆伏是天受之也○家語孔叢子及桓子新論皆以為歷試之使大錄萬機之政孔傳據之羅氏云晉帝問廷臣錄尚書事始于何時對云書稱納于大麓此錄尚書事之始亦一證也皆音同義異不可從云史記言堯使舜入山林川澤暴風雷雨舜行不迷蔡氏據之楊慎駁之云類茅山道士鬪法是也馬融鄭玄註皆云主祭于大山麓亦非也

帝曰格爾舜詢事考言乃言底可績三載汝陟帝位

釋言曰格來也底致也釋詁曰詢謀也考成也乃爾雅疏因上起下語也可嘉通商書云嘉績多于先王帝名舜使至前曰汝舜詢謀庶事考成庶言乃建言以致嘉績于今三年汝夫宜陟帝位以攝政也三年言其久不必限三年考績也○夫言不可輒取人故靜言庸違帝嘗言之聽言信行夫子於予改之且昌言聞斯行之何應待三年之久哉其豈以言之可績未播之於行而遽曰汝陟帝位堯豈然耶此可之所以當訓嘉也但以可為否之對則叶云夫百揆時叙四門穆穆風雨不迷嘉績居多

故有此命何以當有績之虛言耶

舜讓于德弗怡

舊本怡作嗣羅氏云今文尚書作怡今從之史記云唐堯遜位虞舜不台索隱曰台音怡悅也亦足證嗣為誤云釋詁于於怡樂也言其辭讓出于德心非虛讓也與羣后德讓意同孟子云帝將胥天下而徙之為不順父母如窮人無所歸是弗怡也正月上日受終于文祖

傳曰上日朔日受承也終猶終帝之終堯將終帝事而使舜攝也釋詁于曰也周書成秩無文此文

書及正 卷一
意同相如封禪書被飾厥文作是也正月元日以
承繼帝之終爰致禮文於祖廟以攝告之祭享之
也傳以文祖為堯文德之祖焉黜以為天今不從
云○此篇事係舜者皆首以舜表之其餘皆為堯
之更故曰帝皆堯也此所以曰堯典也後分割為
二篇且帝殂落在中間故以慎徽以下帝曰之帝
為舜者非也帝曰欽哉以下紀舜攝位者終於此云
在璿璣玉衡以齊七政

釋詁在察也璿璣衡三者皆玉名玉大名其在
中間明上下皆為玉也說文璿美玉璣珠不圓者徐
曰符瑞圖有璣鏡註云大珠而璉字書璉俗璉字
玉色鮮明貌有光耀可為鏡禮記有幽衡蔥衡及
左傳衡忱蓋皆玉名訓為橫者恐非也四玉蓋猶
周之同瑁圭璋之屬帝之祭祀諸侯朝覲所以致
禮徵信也齊整也七政指下文類裡望徧輯覲班
之政法也政者典常法則也帝堯在察夫類裡上
帝六宗之幣玉及輯以覲群牧之瑞信以整齊其
七之法度也言之以為下文之起○傳曰璣衡王
者正天文之器可運轉者七者日月五星各異政
林氏云正後世之渾儀也璿璣以璿為璣也玉衡以

王爲衡也蔡氏同皆爲強解蓋不與上下之文相
接續且曰日月五星運行猶人君有政事豈應謂
之齊七政耶經曰齊七政自爲實事矣後世不審
之相承以致謬解也

肆類于上帝

肆解牲體也小雅或肆或烹註奉牲奉持而進
之也周禮太宗伯以肆獻裸享先王是也類祭天
之名詩曰是類是禡周禮類造上帝釋詁曰類善
也言善其祀事也上帝天帝猶曰后帝也上祀察
五玉之事以下述帝堯祭祀巡狩等之禮也

禋于六宗

釋詁曰禋祭也國語曰精意以享曰禋傳曰宗尊
也六宗蓋天宗之誤也記云乃祈來年于天宗鄭
氏註云謂日月星辰也

望于山川

望遙相對也地以山川爲主蓋祀高山大川即此
祭地故上只曰上帝不曰后土也○記中庸郊社
之禮所以事上帝與此不曰后土意同

徧于群神

徧周也羣猶衆也先稷五祀古之聖賢嘗有功德

于民者皆普祀之也。○以上紀祭祀之式。
歲二月東巡守至于岱。

孟子曰天子適諸侯曰巡守巡守者巡所守也釋
山曰河東岱註云泰山又曰泰山爲東嶽禹貢岱
畎海岱皆是也歲二月順春東至泰山下也○釋
山無岱宗之文傳云泰山爲四岳所宗恐非也今
屬下文。

宗柴望秩于山川。
宗尊也孝經宗祀文王是也柴與釋山燔祭同馬
融曰祭時積柴加牲其上而燔之望解見上秩猶

禮也行所過名山大川則宗祀燔柴對望以行禮
也○此以下至五月不惟限東方餘三方之凡例
肆見東后。

肆列也釋詁后君也陳列東方邦君見之也
輯五瑞既月乃日覲四岳群牧班瑞于群后。

此十六字旧本在徧群神之下今移于此上下相接
爲巡狩之儀例釋詁輯合也覲見也說文云瑞以
玉爲信也充傳晉侯受瑞愔是也蓋上文璿璣玉
衡以爲之也釋言既卒也班賦也註云布與之列
見四方羣后輯合其瑞玉判合徵信卒以正月中

乃日日見四岳及十有二牧使布其瑞於諸侯以
還之也○唐堯五瑞之制後世不可知以周官典
瑞說之恐非也闕疑為得云

協時月正日同律度量衡

傳曰協合也時四時也月正正月也月正元日是
也日甲乙也釋言曰同檢也釋詁曰律常也常度
法度也論語與權量並言與此同量斗斛也衡權
衡也協合四時氣節及正月與朔日之甲乙齊一
經國法度并斗斛權衡所以一制度齊遠近立民
信也

修五禮

修葺理也程子曰正五等諸侯之秩序制度之等
差是修補五禮也

五玉三帛二生一死贄

五玉即五瑞說文帛繒也傳曰三帛纁玄黃一死
雉名誥曰牛一羊一豚一恐牛羊或豚為二生也
雉飛禽故以死也皆所以為贄以見贄之為言至
所執以自至蓋質已之誠致已之悃幅也孟子曰
筐厥玄黃蓋諸侯所執有此六其所執之別後世
何稽知之耶○傳以五玉為諸侯所執故以三帛

生死為諸侯之世子公之孫附庸之君大夫士之
贄者非也

如五噐卒乃復

釋詁如謀也卒終也謀規也度也五噐即五玉也
周禮大宗伯以玉作六噐禮天地四方與此同釋
言復還也言規度夫五玉禮終則還之於諸侯三
帛生死則否○孟子曰天子適諸侯曰巡狩入其
疆土地辟田野治養老尊賢俊傑在位則有慶慶
以地入其疆土地荒蕪遺老失賢培克在位則有
讓白虎通曰王者所以巡狩者何道德太平恐遠

近不一幽隱不得處所正法度計時日皆為民也

五月南巡守至于南岳如岱禮

傳曰南岳衡山釋山以為霍山所未審五月至其
禮如至于岱之時也

八月西巡守至西岳如初

釋山華山為西嶽初猶前謂南嶽也

十有一月朔巡守至于北岳如西禮

釋山恒山為北嶽蓋巡一方每間二月復出也○
如西禮馬融本作如初○王通曰一歲四巡守民
不言勞者儀衛少而徵求寡也夫惟儀衛少而徵

求寡也故國不費而民不勞

歸格于藝祖用特

格式也鄭氏禮記註舊法也傳曰藝文也相如封禪書祓飾厥文作春秋一藝及披藝觀之是也特說文牛父也每巡狩歸至奉法式爰致禮文於祖廟以告供特蓋出辭反面之義事死如事生也

五歲一巡守群后四朝

傳曰各會朝于方岳之下凡四處故曰四朝今日孟子一不朝至三不朝文承巡狩則與此同蓋非謂朝于帝都也春秋天王狩于河陽公朝于王所

是也。○蓋此自記巡狩之事非并言述職當不混說云鄭氏曰巡守之年諸侯見方岳之下其間四年四方諸侯分來朝于京師恐不然也敷奏以言明試以功車服以庸

敷猶徧也奏進也禮記註進勉強也釋詁試用也庸勞也字書車服所以舟旋故從舟隸用般諸侯朝于方岳者帝徧勸勉以言教其明用以有功績于民者賜車服以勲勞也其曉喻勸勉一皆為民非苟之其仁溥矣哉。○記巡守之事止於此此一句又見于謨奏作納試作庶蓋引此文也

兆十有二州封十有二山濬川

舊本兆作肇今從王充論衡兆界域也營之為域
十二州冀兗青徐荆揚豫梁雍幽并營也說文封從之
从土从寸守其制度也徐錯曰各之其土是也猶
後世謂四至也言域十二州限以至某山禹貢所
謂荆及衡陽惟荆州華陽黑水惟梁州等是也釋
詁濬深也浚深九川使之通利也惟句叙禹功然
殛鯀任禹萬世永賴皆堯之魏二乎其有成功者
所以載之於此矣。羅氏云十二州自古有之禹
貢九州冀兗青徐楊荆豫梁雍是無幽并營也爾

雅西河間曰冀州河南曰豫州河西曰豳州漢南曰
荊州江南曰揚州濟河間曰兗州濟東曰徐州燕
曰幽州齊曰營州是無青梁并周禮東南曰揚州
正南曰荊州河南曰豫州正東曰青州河東曰兗
州正西曰雍州東北曰幽州河內曰冀州正北曰
并州是無徐梁營也總三經而州舉之正得十二
故曰十二州自古有之何以定知其有也曰天有
十二次地有十二州官有十二牧白虎通云尚書
咨十有二牧者此確證矣禹貢曰九州者幽營近
海水有所洩并雖有汾晉亦不為患自可畧之至

于弼服建官仍曰州十有二師

象以典刑

象肖似也猶象賢象物宜之象蓋以類相從也所謂殺人者死傷人者抵罪是也釋詁典常也象其所犯以常其刑法而不亂罰也費誓常刑是也此以下至惟刑之謚哉所以用刑之法而非刑目也○林氏曰註者多以象刑為畫象刑其說出於大傳與漢帝之詔此說雖近然以象刑為畫象而解以象以典刑之句其辭為不順而象刑亦有難決者薛氏又論世俗以為画衣冠異章服為象刑豈非讀

舜典而誤此說有理

流宥五刑

釋言曰流覃也覃延也及也呂刑曰何度非及及是并及之義釋言宥寬也五刑者典官教贖賊凡五也其并及者寬宥夫五刑以處之也○諸解以流為流竄之流以五刑為墨劓剕宮大辟其疑豈應一放流耶呂刑蓋有罰金之差非徒流竄之耳皆知呂刑之五刑而不知此典之五刑自為異矣蓋不尚論其世云爾

鞭作官刑

說文鞭驅也驅馬馳也蓋馳驅不一處之義爾雅
 作為也字書官古環字周禮環人掌察軍憲環四
 方之故註巡察内外若環之相循不窮也呂刑五
 過之疵惟官是也有過罪者不吐實驅之使以自
 證蓋拷之為環也○周禮官刑及古文書制官刑
 云者皆據此句以為附會也

朴作教刑

朴與撲同說文木素也質也教訓也撲素不知以
 犯罪者為教訓之刑也酒誥云勿庸殺之姑惟教
 之是也○以鞭朴為官府李校之刑者非也官府

之罪殆不可解學校不勤業有司存焉何應載之
 於此耶且使契為司徒教以人倫其餘何有道統
 之應勤哉故云稷契皋陶讀何書是也儒者動以
 後世觀三代此類儘多矣

金作贖刑青災肆赦

釋名曰金禁也為進退之禁也增韻劫持也爾雅
 疏引尺子廣澤篇贖賣也蓋小罪或涉疑似者不
 斷肢體不缺肌膚鬻獄取物或為收孥皆所以禁
 止之懲創之不使再犯也所謂祥刑是也呂刑云
 五罰之疑有赦墨辟之疑有赦其罰百鍰之屬是

也青災肆赦四字非經文恐伏生大傳所在與下文方乃死三字同攬入經中後世不知質焉爾傳曰青過災害肆赦釋詁舍也夫偶過誤以致災害者閱實處贖刑以緩舍之非有罪納贖免之也

怙終賊刑

怙謂有恃終謂再犯賊害也害傷也殘也有恃而犯罪與不懲再犯從罪大小各有所傷害或剽刖非宮之也

欽哉欽哉惟刑之謚哉

釋詁曰欽敬也謚靜也敬之哉敬之哉惟用刑之

寧靜無擾哉○舊本謚作恤羅氏云今文作謚史記作之靜字異義同今日唯仁者能好人能惡人國人皆曰可殺而後殺之何憐恤凶人之有哉所以當從謚也

流共工于幽州

流解見上共工官名其人後世不可知蓋為幽州之人罪發日家居故及以刑也靜言庸違竟被罪歟○州諸本作洲今據孟子

放驩兜于崇山

放者安置不得他適也禹貢無崇山未知其處且

其罪經不見

竄三苗于三危

竄入也三苗夷名三危山名在禹貢雍州呂刑云
苗民不用靈制以五虐之刑曰法延及平民此曰
三苗呂刑曰苗民皆指其酋長曰平民者其象廢
也有苗濫刑淫威賊害其民或時為邊梗故投竄
之於三危山下蓋山以表地上下皆同此在禹治
水之前故云三危既宅三苗丕叙其然則四罪不
為一時之事此記之者實欽哉刑謚之吏也

殛鯀于羽山

釋言殛誅也羽山在禹貢徐州蒙羽其藝是也國
語鯀播其淫心稱共工之過堯用殛之羽山○孟
子云萬章云舜流共工于幽州云云曰舜者偶誤
也後世不察為納舜於百揆之時而謂堯不誅而
待舜或謂為惡於舜之世皆不深考爾謨以為堯
之時事洪範云鯀乃殛死禹乃嗣興及莊周云堯
放驩兜於崇山投三苗於三峽流共工於幽都皆
非舜之明證也漢書亦云昔堯放四罪是也
四罪而天下咸服
咸釋詁曰皆也服懾服易豫彖聖人以順動則刑

言一
卷一
罰清而民服是也堯施罪於四人而天下之人自
慊服不仁者以遠矣○以上說用刑之法以天下
服結之也

二十有八載帝乃殂落

釋詁曰殂落死也殂往也字書凡物墮墜皆曰落
人死亦曰落堯老舜攝後二十有八載而崩孟子
曰舜相堯二十有八載非人之所能也天也

百姓如喪考妣

釋親曰父為考母為妣郭璞曰禮記生曰父母死
曰考妣今世李者從之案尚書云大傷厥考心
事

厥考厥長聽聽祖考之彛訓明此非死生之異稱
矣林氏云此百姓指民而言之也言堯之德及民
深且久其崩也百姓如喪失父母無小大無遠近
皆然非百官而已

三歲四海遏密八音

傳曰遏絕也釋詁曰密靜也釋地九夷八狄七戎
六蠻謂之四海八音金石絲竹匏土革木也王氏
曰夫謂百姓如喪考妣者非是處苦塊真如居父
母之喪但謂憂愁不樂則至三年之間遏密八音
此蓋相因之辭無有臣與民之異凡音之起由人

心生人心歡樂則八音之奏和悅而不厭，數苟心不樂，雖八音陳於前，不知其為樂也。堯之崩也，百姓哀慕如喪考妣，至於三歲，四海遏密八音，此蓋至化所感，自然而然，非有刑政以驅之也。○以帝乃殂，落下承有舜格于文祖等之文，為堯之事終于此者，誤也。蓋記事不拘前後也。

月正元日舜格于文祖

傳曰：月正，正月元日，朔日也。孟子云：舜服堯喪，三年畢，避堯之子於南河之北，朝覲訟獄，謳歌者不之堯之子而之舜，謳歌舜，故歸至中國踐天子位。

喪畢之明年，月首一日，循式格爰致禮文於祖廟，以即位告也。○自此至蠻夷率服，紀舜之事，以下稱帝者皆堯也。

詢于四岳，闢四門

釋詁：詢，謀也；闢，開也。釋水：涘，闢，註：通也。舜謀于四岳，四門，蓋官署之名，開通其所統甸服內四州之政，治壅滯者也。○傳云：開通四方未開者，然相堯二十八年時不開之，而待已為天子而始開之，耶？蓋堯崩，舜避南河，事或有壅滯故，與岳謀以開之也。

明四目，達四聰

凡注視曰目，洪範曰聽曰聰，註云聰察也。明察夫四州之事務，當視聽而不敢忽之也。○必曰四者，緊應四岳，蓋四岳在內，掌四州牧，奏進之官。咨十有二牧曰：食我惟時，柔遠能通，惇德允元，而難任，人蠻夷率服。

牧，養也。十有二牧，十二州民牧也。曰釋詁爰也，食茹也，與柔不茹同，受納也。釋詁惟思也，時是也是則也，柔安也，通近也，惇厚也，允信也。林氏曰：能通謂能治近也，能蓋與子克家之克同，厚德言惇厚德，義不渝薄也。釋詁元首也，字書難與，難通驅疲。

却凶惡也。周禮月令皆作難，釋詁任倭也。舜既戒四岳，又曰：此十有二州民牧，爰受納我所言，我為人牧者，宜思時則使遠人安，則不期來而自來矣。能治其近者，使之悅服矣。躬自厚德，載物信為下民之倡首，而驅除倭人內治，能張雖蠻夷難化，皆相率服從矣。○上戒四岳，此教羣牧，相因有次序。舜曰：咨四岳有能奮庸，熙帝之載，使宅百揆，亮采惠時。釋詁曰奮起也，庸勞也，載言也，國語註熙廣也，釋言宅居也，釋詁亮右也，註相佑助，惠順也，采辨別。

解詳于謨帝使舜攝故舜訪可任百揆之人曰此
四岳有能奮起以勞心思廣布帝之言教者使居
百揆左右政治庶言與慎各有辨別彰明以順於
道方今為誰歟使薦舉之也○傳曰言舜曰以別
堯非也上既辨之此篇曰帝者皆堯也事係舜首
揭舜字見篇終不曰帝生而曰舜生可知之也
僉曰伯禹作司空

伯恐爵名禹名鯀之子四岳同辭對曰禹今為司
空此其人也○國語云密伯鯀禹蓋襲封為伯下
文伯夷同

帝曰俞咨禹汝平水土惟時懋哉

懋茂通釋詁曰勉也古文簡故無舜以聞之言蓋
舜以四岳舉禹之得人告之於帝帝亦以為然曰
此禹汝平洪水度土功嘉績居多宜居百揆惟是
勉力哉

禹拜稽首讓于稷契暨皋陶

說文楊雄說拜從兩手下傳曰稽首首至地稽留
止也居稷官者棄也契皋陶二臣名

帝曰俞汝往哉

帝然禹所推讓得其人而不聽其讓曰汝光美百

揆之事式

帝曰棄黎民祖饑汝后稷播時百穀

舊本祖作阻羅氏曰今文作祖今從之釋詁曰祖始也祖爲始義乃在釋詁不在釋親後人以父之父爲祖不知爾雅乃爲王父也汝字下恣脫作字后稷官名田正如後世典農而寄任過之釋詁后君也君者尹也正也稷五穀之長所以名農師傳曰播布也堯呼棄命之曰洪水方割衆民始饑汝宜作后稷教民當今播種之宜穀非一故曰百穀也○傳曰美前功以勉之蔡氏曰因禹之讓而申

命之使仍舊職以終其事皆非也孟子云堯之時天下猶未平洪水橫流氾濫天下草木暢茂禽獸繁殖五穀不登禽獸逼人堯獨憂之舉舜敷治舜使益掌火禹掌水土然後中國可得而食也而繼之云后稷教民稼穡樹藝五穀五穀熟民人育荀子云堯有德于戈不用三苗服舉舜剛訖任之天下休息得后稷五穀殖變爲樂正鳥獸服契爲司徒民知孝弟尊有德此在堯之時也不待孟荀而後知之耳呂刑明云伯夷降典禹平水土后稷教民稼穡三后成功惟殷民士制百姓於刑之中是也以爲

言及正 卷一
笑前功勉之使仍舊職以終其事則舜即位之初
黎民祖饑歎蓋不明堯典分爲二且紀載不拘前
後曰帝之皆爲堯故云爾

帝曰契百姓不親五品句不遜

契臣名釋言身親也湯武身之趙氏註身之體之
行仁視之如身也管子註親服行也物件曰品
五品父子也君臣也昆弟也夫婦也朋友之交也
傳曰遜順也帝命契曰方今百姓或不親五品之
道如其身墮倫背理此不順五教也

汝作司徒敬敷五教在寬

司徒教官主民衆敷猶徧也五教父子有親君臣
有義夫婦有別長幼有序朋友有信也釋詁在察
也察明也寬綽也綽有餘裕也帝曰汝爲司徒宜
慎溥五教橫於四海使之明明寬裕哉○孟子曰
人之有道飽食暖衣逸居無教則近禽獸聖人有
憂之使契爲司徒教以人倫放勳曰勞之來之匡
之直之輔之翼之使自得之又從振德之此廿一
字蓋命契之辭審在寬之義也恐此所載伏生遺
忘之歟故錄以擬補且爲命契之爲堯時之一

證云

帝曰臯陶蠻夷猾夏寇賊姦宄

晉語註猾弄也夏夏華疏云中國有文章禮樂之大左氏傳裔不謀夏是也林氏曰此非境外之蠻夷蓋有蠻夷與吾民雜居境內揚州之島夷青州之萊夷徐州之淮夷梁州之和夷是也傳曰群行攻劫曰寇殺入曰賊字書行不合義曰姦說文宄姦也外為姦內為宄傳曰無教所施○林氏云王氏曰在周大司馬之職當舜之時以士官兼之其蠻夷猾夏則使臯陶治此說不然蓋蠻夷之愚弄我民互為爭訟使士質其獄也非以為將帥平邊

寇之謂也

汝作士五刑有服

傳曰士理官也釋詁士察也主察訟獄治理之也釋言服整呂刑所謂上服下服是也五刑解見上汝作士官五者宜得中有以齊其不齊也

五服三就

三猶三省三復三令之三丁寧反復之謂釋詁就成也革言三就是也五刑之整服宜反復至于再三以成就其斷也蓋要無不中也

五流有宅五宅三居

流解見于上釋言曰宅居也魯語五刑三次章昭
曰次處也此三居義同五刑上備有并兩刑以處
辟刑其處之宜反復論定以處之也
惟明克允

釋詁允誠也惟明者呂刑所謂明明棐常鯁寡無
蓋也克允者哀敬折獄也聖人刑以輔教誠意仁
民僅僅兩言盡之云

帝曰疇若予工僉曰垂哉

說文工巧飾也象人有規矩形即今匠記天子六
工是也垂臣名莊子攬工垂之指此人也帝曰誰

善我工之事者皆曰垂哉當時制禮樂謹權量供
武備不可不無其人故求其人也

帝曰俞咨垂汝共工

汝字下恐當有作字帝然所舉命之曰此垂汝可
為共工

垂拜稽首讓于父析暨伯與帝曰兪往哉汝諧

父兵器考工記廬人父長尋有尺說文析方釜斧
工之作二器者以為官名伯與臣名釋詁諧和也
合也帝然其讓曰光美其事哉汝宜和協父析制
造精妙也

帝曰疇若予上_カ下_ス草木鳥獸僉曰益哉

上登也升也儀禮註下謂所孟子曰當堯之時洪水橫流汜濫中國草木暢茂禽獸繁殖五穀不登禽獸逼人獸蹄鳥跡之道交於中國堯獨有憂之舉舜敷治焉舜使益掌火益烈山澤而焚之禽獸逃匿益誦此所言也帝言誰咎此禽獸害人者逃登於丘山草木毓其所之事者皆曰益其人哉益臣名○堯豈好園囿與珍禽奇獸以設其官使之掌之歟此所以改解也

帝曰俞咨益汝作朕虞

宇書朕麟宇譎舉要麟媵送女從嫁名毛詩傳虞度也帝以衆舉爲然命之曰此益汝爲麟與居之事哉益驅虎豹犀象遠之犬豕牛羊居之於平土百穀艸木毓之也○益一時使者何立官名後世見有虞人山虞澤虞不敢致疑也疏云此官以虞爲名帝言作我虞耳非官名也非也漢書王莽傳莽自稱予立予虞之官則莽以朕爲予朕虞爲官亦不然也益拜稽首讓朱虎熊羆帝曰俞往哉汝諧

朱赤色詩云我朱孔陽是也漢書赤我族益被殺

傷見血也朱虎熊羆蓋與上之及折同周官牛人之類也傳以為二人名或為四人之名此臆說爾
 ○疏云垂益所讓四人皆在八凱中然左氏援此經以構成元凱之目何足為證耶且蒼舒伯奮等十六人皆典謨所不見杜氏云禹皋陶稷契之倫我知其為附會云又云堯不能舉舜臣堯舉八愷八元蓋以命九官載在帝殂落之後故也予不信左氏以為秦末或漢初之人所作叵信之書為此故爾

帝曰咨四岳有能典朕三禮僉曰伯夷

釋名典鎮也制教法以鎮定上下其等有五是也
 字書鎮按也按者察行考驗也朕解見上送也送將也三禮蓋五禮之誤也吉凶軍賓嘉之五與呂刑云伯夷降典是也帝曰此四岳有能鎮定送將夫五禮者乎四岳皆曰伯夷可任也○國語曰伯夷能禮神以佐堯者也蓋從典三禮而附會之也且國語以姜姓為四岳之後又曰伯夷之後其說自戾韋昭曰即四岳林氏云咨四岳有能典三禮僉曰伯夷豈四岳以身自薦也揆之人情決不如
 此四岳之為姜姓未可信也○訓朕為我則與謨

曰天秩不合故改解

帝曰俞咨伯汝為秩宗

伯者以其爵稱之也增韻秩整也傳曰宗尊也今

曰猶宗人上宗及宗禮之宗鄭氏周禮宗伯註尊

鬼神重人事也秩宗當時禮官之名蓋整修儀禮

人宗于此秩宗名焉

夙夜惟寅直哉惟清

釋詁夙早也寅敬也清察也惟思也史記項羽直

夜潰圍註直讀曰值當也此直同釋詁哉始也言

宜早夜覃思敬乃所職以中當夫制禮之本始又

思清察夫上下尊卑之秩序

伯拜稽首讓于夔龍帝曰俞往欽哉

傳曰夔龍二臣名

帝曰夔命汝典樂教稗子

釋子旧本作胄子羅氏云今文作稗子今從之童

子習歌者也帝言夔命汝鎮定音樂且以教稗子

使之歌詩踏之舞之也下文遂審之也○使夔定

樂故舉直溫寬栗等以發之若以典為主司之義

則上下文不相蒙云

直而溫寬而栗

直正也不曲也温和厚也寬解見上栗莊也

剛而無虐

說文剛彊斷也虐殘也

簡而無傲

釋詁曰簡大也傲慢也皆所以表德相濟或擗籥之而自為鎮定送將音聲舞容之事非徒教導稚子以此諸德也○羅氏云古人說樂如評人直而溫寬而栗剛而無虐簡而無傲自說樂何預教人今云寬以下五者皋陶九德中之目夫質直則在邦家必達溫良夫子之所以至是邦必聞其政寬

則得表縝密以栗王之德而君子比焉剛者夫子嘆未見行簡可以臨民日嚴祗敬六德亮采有邦皋陶為帝誦之皆豈稚子之任耶故今解從羅氏云

詩言志歌永言

釋名詩之也謂樂章也謨所載帝歌皋陶賡之類志者心之所存主也說文歌詠也永言長言之也詩則誦言夫心所存歌詠以長言之也蓋登歌在上而堂上堂下之器應之是之謂以樂從詩聲依永律和聲

傳曰聲謂五聲宮商角徵羽律謂六律六呂說文
 依倚也永者入聲樂聲升降之節視人聲之所能
 至則為中聲是謂聲依永永則無節無節則不中
 律故以律為之節是謂律和聲也永言身言之也
 八音克諧無相棄倫神人以和
 倫類也記儗人必于其倫是也八音克翕和而無
 互相錯棄其倫類則奏之於宗廟而神明歆之用
 之於燕饗而人心無不和同矣此命夔勉之也
 夔曰於予擊石拊石百獸率舞
 夔氏曰此命夔之際也無緣夔於是獨稱其功此

臯陶謨之文也簡編誤脫復見於此今從之解于
 謨

帝曰龍朕詒說殄行震驚朕師

朕解見上聖字書室塞讒鏡古通鑠之銳者利以
 鏡堅蓋指利口孟子所謂邪說也說文殄滅也蓋
 滅裂禮義不履由之所謂暴行也震釋詁動也驚
 駭也駭散也帝命龍曰送致妖言以室塞善行尖
 利之言說滅裂之行以震動驚駭乎與此師衆使
 不一於典常也蓋邪說暴行堯之時既有之命龍
 距之也故云堯舜既沒邪說暴行有作是也

命汝作納言夙夜出納朕命惟允

出斥也退也與黜通納貢也入也工以納言是也
所主在採輿言納言名焉命汝龍以作納言宜早
夜孜孜斥夫讒說殄行以進入正言嘉謀宣送上
命思允信哉○當與謨之庶頑讒說章參見云
帝曰咨汝二十有二人欽哉惟時亮天功

二十二入見于此篇者羲和之伯仲叔為六人放
齊四岳舜禹棄契稷皋陶伯夷垂益夔龍是也釋
詁亮左右也導也天君也金縢傳曰功事也史記
作惟是相天事堯總或庶官曰此汝等二十有二

人各敬乃所職哉宜思惟是則左右君事以底至
治矣此任庶官一結案○記云有虞氏官五十然
夏殷之禮夫子能言之把宋不足徵焉文獻不足
故也况唐虞邈焉以何審其負耶羅氏云官制之
敝自周禮始也是書晚出漢以前無之迨夫王通
用于家蘓威用于國唐承隋後既設六尚書合周
官之數又益九卿寺同漢官之名杜佑譏之有二
皋陶二垂二伯夷二伯益之說官曰繁而事曰曠
唐虞之制遂湮訖莫有復之者
三載考績三考黜陟幽明庶績咸熙

黜退釋詁曰陟陞也字書幽音黜義通青黑色也
 傳曰三年有成故以考功九歲則幽者退之明者
 升之蓋考績法明人人自勸於是衆功皆興也○
 此述堯能進退人材故有感熙之績也夫安天下
 不在獨任在能官人也善讀此篇者之於天下何
 有乎夫子祖述堯舜亦不過於誦此篇而已矣荀
 子云故而不切宋儒以中爲道統心法可謂陋矣
 分北三苗

分析也說文別也北朔方苗民屢爲邊害鯀寡有
 辭涉苗害故分苗種之善惡頑不即工者使北遷

居於三危山下也蓋不勞師徒民害以除大事以
 成故偉其勲於篇終庶績咸熙之下錄之也禹貢
 曰三危既宅三苗丕叙則其分北在洪水之前以
 爲舜之事不深考爾○紀帝堯之事者止於此以
 下附載大舜履歷以至陟陞蓋繼堯而有天下垂拱
 無爲所以无書也夫分割爲二篇遂啓後人之惑
 亦不爲鮮矣

舜生三十

生猶謂民也曰生民蒼生是也蘓氏曰舜爲民耕
 稼陶漁者三十載

徵庸三十

儀禮註徵成也釋詁庸勞也歷試三年攝位二十八載其成勲勞通為三十載

在位五十載陟

羅氏曰陟下今文古文有方乃死三字者伏生大傳釋陟為方乃死非經文也今從之除之釋詁曰陟陞也帝王之歿古曰陟謂昇天也周書云惟新陟王是也舜在天子位五十載乃陟也○林氏云孟子曰舜生於諸馮遷於負夏卒於鳴條漢儒以卒蒼梧之野其說已不可知矣况揆之以理有甚

不可者舜已禪位使禹攝矣豈復巡狩於要荒之外而死而葬於蒼梧之野以是禹率天下之諸侯以會舜之墓於要荒無人之境此理之不然者司馬溫公詩曰虞舜在倦勤薦禹為天子豈有復巡狩迨迨渡湘水此說為得之

書反正卷一

書八五卷一

[Faint bleed-through text from the reverse side of the page]

集語

林氏曰知之為知之堯典之所以可言也不知為不知九共稟飫畧之可也予謂不然矣苟有可言何忍畧之摺摺為勞滯穗遺秉狼籍可惜今集逸書之語散見於論孟及荀子等書是為集語各繫其世以附五代之書末云非是族也雖世所傳十六字不敢不正此先人遺志云爾予小子承厥志也○左國俱秦末或漢初之人所作故其所引稱書云者廿八篇外者今不收裒也戴記亦同堯曰咨爾舜天之曆數在爾躬允執其中四海困窮

天祿永終

見于論語恐汝陟帝位之下脫簡釋詰咨此也天君也躬身也允誠也執秉也祿福也永長也終卒也釋言中極也曆歷古通用歷行也數枚凡數物幾個曰枚堯將遜位告舜曰此汝舜宜為天下之君之列數稽天徵民實在汝躬身夫為人君之道當誠秉其皇極以用之不失矣如此則天下自平爾若使四海之民困苦厄窮則負上天心曠乃天職為人君之福祿長盡無餘矣

放勳曰勞之來之匡之直之輔之翼之使自得之又

從而振德之

見孟子既述于經註毛氏詩傳勞猶佑助也來釋詰勤也匡救也孝經匡救其惡是也輔備也備蓋親比之意翼敬也自得者自然行有得也振奮也動也振作竦動之謂說文德升也六書統升進也言之以申在寬之義也

洛水警予

孟子云洛水洪水也警言漢書註戒肅也堯以水害為上天使已戒肅而小心敬忌也夫為天變不足畏者實放勳之罪人也○恐堯典脫簡

孟子曰書云祗載見瞽瞍夔二齊栗瞽瞍亦允若
釋詁祗敬也載言也大禹謨傳夔二悚懼貌齊恭
慤貌栗慄通懼也舜敬慎其言語以見瞽瞍夔二
然悚懼不惟外貌然耳心誠恭慤戰栗雖瞽瞍之
頑亦底豫和順不敢違逆也蓋不見其不是處惟
盡事親之道而已此之謂大孝○恐為克諧以孝
下烝二父之上脫簡歟



明和貳乙酉秋九月

南紀書肆

山本勘兵衛

平安書肆

吉村吉左衛門

植村藤右衛門

風月莊左衛門

田中市兵衛

今村八兵衛

照得... 旨...

... 旨...

... 旨...

曹... 旨... 十一

